

02水溝仔佗金寶螺

許珮旻(Puē-bîn)

細漢的時陣，阮定定會去田岸邊的水溝仔掠am-muī仔。會記得，彼時的水溝仔無坎蓋，水清清，今仔(tann-á/tánn)對一區一區的『phòng-phuh』仔流出來，am-muī仔掠袂完，水雞仔嘛蹣蹣(phút)蹣跳。掠啊掠、耍啊耍，耍了矣，am-muī仔、水雞仔閣共伊放轉去，規陣囡仔相招來去轉。

am-muī仔罔掠，總是看著水溝仔的壁堵頂黏著真濟粉紅仔色的物：一粒一粒，規掙規掙，閣袂輸若桑材(sng-tsâi)咧！但是細漢的我實在嘛毋捌桑材生啥形，看著伊是粉紅仔色的，就認伊做『草莓』。

印象上深的是有一擺，我一个人走一條大水溝遐遐退。彼條水溝對細漢的我來講蓋大條——凡勢比我人較懸——無水，塗焦焦，水溝仔壁是石仔鞞(không)的，嘛有大粒石頭排齊齊，噗(phok)出來佇石仔面頂。上重要的是，壁堵頂有真濟『草莓』。

『草莓』這號物，對阮庄跤囡仔是真罕見，感覺就是貴參參的果子，平常時真罕得食會著。進前掠am-muī仔的時，想講彼『草莓』可能因為生佇壁堵，塗潯(kō)甲垃圾，才無人愛食，無人欲食我嘛歹勢講。但是這陣有這

個機會，無人看著，閣有規排的『草莓』在我捎(sa)，我應該把握……。

結果我人傷矮，手捎無，換用跂來勾，踢一下規个『草莓』煞爛甲蹣(síunn)蹣蹣，莫講想欲共伊勾起來。

我真毋甘願，硬死欲捏我數(siàu)念真久的『草莓』。我用石頭探(kiat)、用柴仔枝厝(khau)，我一个貼心的紅狗蟻……毋著，是紅『草莓』，害我這個囡仔疔(phí)誠費氣。

啥人知影一下無張持，我煞規个人跋跋落去水溝仔底，摔一下有夠工夫。

這條水溝規人深，我驚一下煞袂記得吼，也袂記得喝救人。若講著跔(peh)壁我是真內行，毋過這擺我連溝仔乾(kínn)都摸袂著，是欲按怎跔？偏偏真無拄好，石仔閣不止仔滑，大粒石頭又閣噗(phok)了無夠出來，無所在通倚。佇危險的時陣，佳哉有大人看著，共我救起來，才無去予水流去。性命差一點仔為著欲祛『草莓』烏有去。